

Umhverfis- og auðlindaráðuneytið  
Skuggasundi 1  
150 Reykjavík

Reykjavík 21. júní 2019  
UST201904-091/G.A.Ó.  
06.04.07

### Umsögn við breytingu á reglugerðum varðandi veitingaþjónustu á baðstöðum

Umhverfisstofnun vísar í drög umhverfis- og auðlindaráðuneytisins að breytingum á reglugerðum varðandi veitingaþjónustu á baðstöðum sem heyra undir reglugerð nr. 460/2015 um baðstaði í náttúrunni. Drögin voru lögð fram til kynningar í samráðsgátt stjórnvalda þann 7. júní 2019.


Í drögunum er lagt til að tveimur reglugerðum verði breytt, þ.e. reglugerð nr. 460/2015 um baðstaði í náttúrunni og reglugerð nr. 814/2010 um hollustuhætti á sund- og baðstöðum. Umræddar breytingar varða veitingaþjónustu á baðstöðum en lagt er til að heimilt verði að veita áfengi í takmörkuðu magni, í margnota umbúðum eða glösum, á baðstað. Sérstaklega skal um framangreint fjallað í öryggisreglum og starfsleyfi viðkomandi baðstaðs.

Umhverfisstofnun lítur svo á að um jákvæðar breytingar sé að ræða. Stofnunin telur að með breytingunum yrði skýrleiki aukinn hvað þetta málefni varðar en hingað til hefur verið stuðst við 6. mgr. 14. gr. reglugerðar nr. 814/2010 um hollustuhætti á sund- og baðstöðum. Þar að auki eru breytingarnar í samræmi við núgildandi framkvæmd en baðstaðir í náttúrunni hafa boðið upp á takmarkaðar veitingar á baðsvæðum og má þar nefna Bláa lónið. Í ljósi framangreinds veitir Umhverfisstofnun jákvæða umsögn um breytingarnar.

Virðingarfyllt



Gunnar Alexander Ólafsson  
sérfræðingur



Frigg Thorlacius  
lögfræðingur